

四庫全書

集部

欽定四庫全書

御製詩三集卷六十二

古今體一百二十七首

丁亥二

新正恭奉

皇太后幸御園即景得句

慶節行春吉日諏

鳳輿虔奉御園遊
欣看柳陌輕黃染
惜少西山積素留
安得六花即優霈
庶幾二麥卜佳收
聲聲爆竹胥鳴喜

吾喜由來在雪酬

盎春書屋

欲知春盎處書屋遞先機
柳眼蓄將放梅胎含漸肥
貞元運有代消息理無違
不出韋編蘊開函驗始微

煙月清真樓口號

春月春煙萃景新不誇佳麗尚清真
輕籠淡照三千界似笑華鐙賞節人

迎步廊

向陽階砌草將萌
避冷簾櫳梅正榮
幾曲迴廊閒散步
恰如春意傍人迎

抱樸草堂

軒楹近覺厭華侈
潔治書堂覆草茅
欲擬幽人猶未得
敢言古帝恐成淆
閒披芸簡窓前朗
靜聽松風戶外敲
津逮漫言由李葛
仙家與我却無交

陶嘉書屋

漫嫌桃李遲清詠
自有詩書伴靜遨
會得乾元資始意

幾多淑景箇中陶

題時賞齋

庶徵有五要惟時省歲殷勤念在茲又用咸休協心賞
艱哉夫豈易言之

恒春圃

白屋如花圃恒春果是春四時芳豈謝一室景常新不
凍池浮水致遙籬縛筠信誠工點綴對乃愧生頻

豁如室

既有近墻圍亦復遠山護何以云豁如請得言其故於
密有退藏故則六合布靜固非內寂動詎任外驚明道
定性書可作義經注

清曠樓

拾級高樓曠且清非誇畫棟與雕甍石墻以外見墟里
為憶民艱及物情

盆思堂

最欣旭影牕前朗豈必花光戶外羅隨分去聲抽書皆可

繹箇中偏覺益思多

題宋人蕭翼賺蘭亭圖二首

御史西臺變姓名蘭亭賺得促歸程
溪橋跋馬伊誰氏應是馳來徐善行

何須真本計求千過舉難辭責備賢
豈料戎溫仍出世至今又復幻雲煙

新正萬壽山

政簡新正多暇朝清遊況喜近非遙
依稀雪色幻梅朵

漏洩春光真柳條

常謂子美臘日此句嫌其略早宜於上元前後用之

霽氣西山

將接潤冰容南沼欲含韶煙村幸為

去聲

逢綏屢也有紅

鐙逐節宵

長春書屋

四時一貫氣長春書屋今來景益親到處撫時思切已
欲因元善體為仁

玉瀾堂

無水不成波有冰斯弗瀾冰水豈二物波瀾乃異焉動

靜固殊用有無原齊銓憑堂俯鏡鑑其趣存穀紉寧須
執象求聊此託澄觀

養雲軒

雲軒山之椒養雲因得名古書趣既永春銓何礙清我
時方望雪小憩那怡情惟是增戚戚幾見吐英英何當
合膚寸沛然飛六靈

怡春堂

一元斡旋候萬物發生時無氣不含煦有情皆覺熙太

和方醞釀麗景豈稽遲設問怡春處書堂自不知

石舫

青雀黃龍貯舟塢依然石舫凍溪邊倚舫小坐生清會
失半由來是得全

味閒齋

山陽迤邐到山陰初歲嚴齋試初尋豈不箇中味閒好
所其無逸戒猶深

清可軒

宵洞所為異夏涼冬乃溫炎囂戶外盛入則涼風翻其
或凜烈候內暖宜憩存以此山北遊無不斯探源今日
今春來拾級登岵軒石壁太古世雲窓初歲暎蟲融氣
已佳樸素情益敦何當攜索丘靜坐考其原

賅春園

倚檻無妨細籟披
藍陽初上聲上聲林枝紅情綠意方
猶未却是賅春正此時

宋人柳陰高士

柳陰高士若為高
放浪形骸意自豪
設問伊人何姓氏
於唐為李晉為陶

題文徵明千巖競秀圖

二老喬柯下高談
暢遠眸蔚巖巖秀
相競落瀑響如浮
作

輟經三歲

徵明自跋云此圖初僅得一樹自戊申至庚戌屢作屢輟歷三歲朔始成

精神入

九秋似茲費日力亦自足風流

上元前夕奉

皇太后觀燈火

七番節夕始今夕

上元節自十三日為始張燈火過燕九始收凡七日

至養無丈

亦備文元祐張鎰率成例開元聽政尚惟勤西樓又喜

觀金炬東壁先昇礪碧旻慶益繁滋

年益茂永承

任膝永欣欣

題鄒一桂雙清圖

黃是真黃白真白花中難老有神仙淮南招致誠何謂

那識自然驗不然

題寒江獨釣玉韞

追琢精球藉玉人
柳州詩意獨傳神
抨弦一發中去聲祁
鹿也似竿頭得巨鱗

上元前夕曲宴宗親

上元前夕典宜仍
瓜瓞綿綿百世徵
和氣一堂共聽樂
麗華千樹待燃鐙
相於且慢頌清宴
切已惟殷勉繼繩
璆玉和闐琢成器
以供節醕或猶應

上元鐙詞八首

昇平時世載陽春

萬歲承歡鐙事陳成例雖然祇行舊排當頗覺逐增新
通閏今年長去年十三迴裏首迴圓豐隆借助纖阿景
不遣微雲點碧天

春迴十日菑陽敷步渡平湖冰已酥冰徹鐙光鐙映月
廣寒界裏夜遊娛

習習風常傍晚收春臺煙火對西樓幻成幻滅幻無定
世界三千似此不

光明杯照圓明鏡仁壽鏡呈獻

壽圖我亦心殷返淳樸順時遵

養豈宜無

望雪經冬又入春
銓前那覺展眉顰
何當一夜同雲佈
明看西山積素皴

元宵聞說樂同民
趙北燕南屢見真
却以過時將示儉

不教煙火待瀛津

前此四舉南巡掖
上元所至聽有司設

銓火以酬令節

今歲仲春杪始往天津閱視河隄
恐地方官仍陳火戲預有旨禁之

歲歲鐙詞八首看寫懷詎曰逞文瀾韓昌黎憶傳芳軌
祇有陳言務去難

上元後一日小宴廷臣得詩二首

股肱任重要情聯賜典應開翼節筵詩句豈殊鹿鳴詠
樂音一例角招宣盆扶唐卉芳纔吐籠貯春蟲動以蛸

雖是元宵昨剛過方當皓魄正輪圓

是月十六日始望月輪正圓也

慶節熙春設醴醪兩行接席總仙曹謾言三歲連逢稔
已是經冬亟望膏屏尚未收翦綵燕鐙須待看冠山黿

晚來空宇魚鱗起雪霈庶幾慰盼勞

微雪

正月十七日

問夜達晨陰間去聲晴辰牌報始灑飛雲剛看鶴毳紛來
密旋惜烏輪漸放晶點樹那欣花乍吐鋪街又覺寸難
成情知舉趾時堪待澤欲先霑意益怍

題和闐玉觀泉圖

崖巔袖手觀噴沫景異香鑪掛練濤却訝不曾投石激
倒流躍並古松高

文徵明買魚沽酒

船屑漁父提魚賣橋首奚童沽酒迴鑪火正紅宜對雪
較量陶党底為哉

夜雪

傍晚雲復濃入夕微霰墜詎貪銓景美深企

天膏遂霈乎猶未定切切更座意甲夜乃密飄乙夜垂
優概至丙夜少間幸丁夜仍繼披衾問戊夜對已二寸
積詰旦忙起觀如言誠則未詰以何偽報云並消融言

京兆曉奏陳所稱亦一致故知緣慰予然予豈易慰較
去冬澤渥實新年上瑞旦明又大落漫漫暢紛懿庶幾
此番去聲佳額手希

鴻賜

題周玉璧

圍好琢嘉穀芝紋外繞之製雖非子執器則實周遺古
氣如可挹土華常自披寸陰珍是競興嗣謹言垂

仇英雪夜放舟圖

雪溪破夜放輕船危坐寒篷聳兩肩應是前灣尋句去
小鬟磨墨待題箋

復雪

正月十八日

自辰還至未既密亦時疎即即皚皚矣瀟瀟奕奕如雙
眸望無負三寸積仍餘始慰籌農願園林景起予

御園雪景

希澤元宵刻座懷今朝始識御園佳山如失色煙藏密
樹不論名花放皆落地春融潤霑砌鋪池氣暖凍酥涯

愜心消得聊攬景點筆因之應律諧

養素書屋

樸屋無華飾灑然稱

去聲

夙心琴樽亦弗藉書史每堪尋

閒到斯小憩興來或暢吟憑窓聊攬結積素正彌林

虛明室

聞之濂溪云靜惟虛則明無欲靜始虛學聖有要程通
書二十章此義標實精是室顏是額詎因攬景名觸目
當會心會心在返誠可知無極真可悉儀象情更為注

其旨曰深玩力行

再題抱樸草堂

潔治數間屋匪華以樸勝曲籬堂後圍橫溪階下映插
架富芸編汲古頤神性清暇偶憩坐窓明几亦淨惜陰
意有永體物心無競綺鐙方在楹微覺弗相稱

洗心室

築園偶爾學衡茅佳致還同安樂巢幾暇洗心退藏密
便因潔靜玩羲文

掃雪

掃雪必行賞僕僮早候之未成分寸際那可飾裝為今
日素真積培林澤倍滋

天恩誠賜我分惠亦其宜

唐寅雪山行旅圖

肩擔驅車來往頻雪風冷逼客途身閑黎閉戶無多事
坐看勞勞名利人

燕九燈詞

行春底事不欣然望雪元宵望眼穿
婪尾却增無限喜
率緣滕六燕丘仙

借助月光有雪光善哉說法是燈王
可知離卽色空際
皓魄升遲正不妨

一點熒熒一縷煙千叢萬簇片時燃
紛紛鶴毳翔黿鰖
一點點金花灑玉田

相輝鎰雪可宜酬一例明朝節事收
勤政殿名日臨勤庶
政敢因後樂忘先憂

題五代人雪霽捕魚圖疊舊作韻

三冬曾未品三清

每遇佳雪必收
取烹三清茶

上元鐙下希瓊霏何

期節過詠甘雪硯池春暖消花凌即景圖書得悅目是

誰粉本藍出青東灣西浦船雜集生計各有零罽罽蓬

頭椎髻婦子聚力雖共作心無營大魚換錢供衣米小

鮮佐酒泥鑪烹浮家泛宅自無繫那愁白帖官租增作

者闕名具深意慮同皮陸垂虛聲子美有句意好去聲生

同然先得弗更評兩題拖尾恐防或割去遂教乘興圖

中與寫成

拖尾紙色潤質古曾書己巳題趙幹江行初雪圖以當題識丙子又疊韻題本圖亦書於

後茲於元宵後二日甘霖竟夕御園池沼含清不減漁村雪景是圖適在案頭復疊舊韻題之圖中紙故佳且多隙地錄以補空興寄尤深

偶興

惟人既有心有心則有意有意必有願以茲生萬事負者所願富賤者所願貴少願至難老老願恒在世矯情胥舍斯又願其名遂世間法如是誰免因願累即彼出世間亦豈大有異庸者且勿論賢者苦更備緇流願成

佛黃願登仙位前途信難臻故步早失自仙佛非我分
富貴我極至願應鮮弗成而更有艱致冬雪與春雨夏
時及秋霽先期憂已豫後獲樂敢肆設曰可概蠲將見
悔吝繼大凡求諸人十或得三四而況求諸
天得否安可必叶率筆寫心會直語忘倫次

賦得西山入畫

積素西山好分明畫幃披送來寒料峭展出白參差幻
遠忽成近增高亦益卑東風吹不去曉日照猶滋曠朗

浮林表深沈護巘基瑤臺花作月崑園玉為陂揔以因
心慰纔能觸目怡問誰傳粉本知定是王維

題和闐玉鷹搏雀韞

一雀鷹搏

平聲

一避藏古松轆轤色蒼蒼可同射鹿發弦

疾更塵毆林寓意長

春來口號

有景呈前有興投八义底用費冥搜春來試看百昌富
豈是東皇逐物酬

文徵明泉石清音即用其韻

對坐誰分賓與主
劇談却喜老松陰
石泉激越音偏好
不藉調絃更撫琴

長春書屋四事四聲詩

讀書

平聲

清閒何為消明牕
芸編陳耽書誠前緣
怡情諧常因千秋
於焉觀分陰良堪珍
湯盤銘曾言予惟期
其新

撫帖

平上聲

臨池懷前賢撫古允我喜雖常希顏筋那有省可髓孜
孜勤懸針草草晒累紙佳言思公權引以輔善理

焚香

平去聲

匡牀雙金猊煥燦護獸炭氤氲檀芬燒靄蕙篆散褰
帷薰心源對座淨鼻觀無然安清供問政忘締案

烹茗

平入聲

筠鑪江南來恰合設白屋烹煎松風鳴活潑雪色漉奇
吟輸唐盧佚樂學復陸擎杯方無言魄月藪綠竹

養和室

嗇神非吾希種秫非吾怡發而皆中節聞之吾子思是
必有所養其和匪矜持不為內欲擾不為外物移如元
首萬善如春冠四時冲融去安排位育庶可幾

抱樸草堂口號

筆硯精良樂一時便教抒興與摘詞草堂抱樸名相稱

去聲所愧還淳身先_{去聲}之

養素書屋

平生喜讀書處處有書屋取義各安名居稽與澡浴豈
必藉林泉亦非稱花木遊心竹素園涵養於斯淑神怡
興偶觸點筆詠亦屬

虛明室

糊牕置大食玻璃內外虛明朗朗照披詎謂無端便攬景
存心吾亦願如斯

山東巡撫崔應階奏報得雪詩以誌慶

冬雪青齊獲披章早慰心同時欣並及

京師於十七十八兩日晝夜聯

綿遠近普被適東撫奏到濟南亦於正月十七日得雪計及七寸廣潤數府將尺澤尤深黃

壤塞蝗戶綠田滋麥針

天恩真廣被慶矣志彌欽

沈周抱琴圖即用其韻

溪壑幽人冰雪顏橫琴膝上坐蕭閒底須撫作水仙操
調在清泉白石間

新春萬壽山

倏忽上元節已過餘閒一賞壽山螺漫憐火樹收金炬

且喜銀花積翠裁氣釀寒光猶料峭風吹雲色又婆娑
因之望蜀仍希雪長此安窮竟若何

知春亭

借問知春何處知人情物色總熙怡虛亭却以無言會
一部義經註畢時

停靄樓

石磴欽崙上有樓昆明萬頃望中收寫楹薄靄方容裔
吾亦因之片晌留

題惠山園

一區山左學江南初歲清閒取便探不似似之渾似似
前三三即後三三豈其園景心猶戀祇彼輿情意所耽
却喜雪融春氣潤柳條已有露珠含

雲淙室

幽室石泉上泉流尚帶冰垂為雲葉佈激作雪花凝已
契一家味那論平聲三峽層澄觀與清聽片晌適吟憑

瑩心堂

書堂泉上架嵯峨欲看春流景若何平處匯池水未解
瑩心別喜不生波

構虛軒

一岑獨出自為高上有文軒據迴臯每到輒因飛逸興
欲吟率就挹宣臺西山雪積猶存素北澗冰凝未作濤
大地憑虛虛豈盡構於斯乃儻然遭

無盡意軒

山容水態攬都全豈在紅芳及紫妍却喜高軒付不語

意無盡合與之然

清琴峽

冰鋪雖是凍池平峽裏流泉自有聲
若問七絃此何調聽之知譜羽音清

霽清軒

雪後天色澄霽清真霽清北山幾千疊
一律玉峻嶒浮來寒氣嫩鋪出潤澤平
憑軒聊縱目徙倚堪怡情煙村于耜人
指日將舉耕

戲題夕佳樓

興寄陶詩號夕佳每還未過午時牌高樓莫笑相孤負
本是忙人那暢懷

和闐採玉行

和闐昔于闐音訛傳致差今之和闐惟採玉昔之于闐
乃採花採花信無用太白寓意蜚詞華採玉供追琢琅
玕豈歎埋泥沙然玉亦有別硃硃貌似寧足誇和闐採
玉人抱玉出水涯何曾璞裏之不掩瑜與瑕則足之語

本荒誕千秋紀載百無一實真堪嗟

題袁瑛山水六幅

屢屨不用掃莓苔座底長江觸石迴
指點片帆相與話
帶將千里夕陽來

右迴磯帆影

樹杪紅樓出簇攢嵐煙不濕有微寒
米家家法相殊處
晦裏分明可指看

右山寺朝嵐

碧瓊天地小年長一陣荷風四座涼為問白家池上趣
可能舉首見山光

右池館延涼

貫酒烹魚樂事多施畧又趁雨初過便教霞灑原無礙
披有飄飄笠與蓑

右漁莊雨霽

竹籬屈曲護茆堂籬外喬柯盡染霜落葉不教頻掃去
藉看襄錦自成章

右紅葉村扉

糝糊不辨遠峯尖
驢背寒英撲笠檐
誰識其間覓詩意

已居里切先詩意被人拈

右溪橋詩思

勤政殿璫璫褥蟲齧命易之戲成是作誌意

吐番霞氎貢成褥
取冬溫織毛易生蟲
食齧成篆文中
人鋪設告畢事物壞
那問柳宗元時偶見之
因失笑常
朝地即同廊廟銀鐙偽
約我鄙其命即易施勤政要此

乾此惕卅餘年萬民念念切惻瘼有灾籌賑恤無灾優
逌蠲百億帑金曾不惜一禡之費何有焉暴殄天物德
實否惟辟玉食必有理大禹卑宮力溝洫然於黻冕亦
致美私服浣濯事之常持以示儉斯小矣

自訟

豈無臺沼小經營經始亦常日視行比及成之行已怠
喜新厭故率人情

賦得東風解凍

得春字
八韻

應律東風至五朝過立春入池通暖氣解凍透雲津始
拆原成片旋開漸有淪魚水上陟負雁北候來賓習習
傳輕籟溶溶閃疊銀近堤方搖聲柳傍浦未生蘋拂面
涼溫協迎眸景象新如將弄舟楫誰是傳巖人

河南巡撫阿思哈奏報得雪

豫省麥為秋尤希雪澤稠誰知同日得

撫臣阿思哈奏
豫省得雪情形

與京師日期相同
而尺寸更覺優渥

更較幾分優遞驛速傳喜遺蝗那復

留

天恩真廣被額慶遇何修

盎春書屋口號

東皇一氣遍三千
豈僅明窓與翰筵
鑿井得泉水在是
盎春名室亦應然

題思永齋

思永非惟身慎修
心思永處說從頭
敬

天益勵旦明凜法

祖常懷艱大投勤
政寧無間宵旰親
賢何有盡登收至

於祈歲更殷若安得屢綏遍九州

長春仙館

長春昔日讀書齋迎

養銓宵歲歲皆

福並海山增寶帙

壽同松栢映瑤階東風暖已落萸葉陽氣升看茁草茲
半月餘過如一瞬年來惜景每殷懷

詣

暢春園問

皇太后安遂命駕由萬泉莊進宮之作

慶宵條過返

前園

暢春園在圓明園之南故又名前園

隔宿虔應問

寢門祭

社經筵胥要務遂教清蹕入宮垣

泉宗祠建萬泉莊稻町新開百頃強去歲經營今逮落

垂閒特地一臨相

蹕路纔紆四里餘，仍遵石陌度輕輿。
倚虹更不重停憩，每進宮俱於倚虹堂傳膳。
茲由萬泉莊總食過此，遂不復留，仍書詩命粘堂壁。
祇付三章題壁書。

抱素書屋小憩成詠

明日當齋今日閒，進宮之便一遊攀。
陽坡雪化陰坡積，池水冰凝瀑水潺。
風拂柳條弱無力，春來梅萼喜開顏。
如將繪事相衡較，吾亦會心後素間。

焙茶塢

雪華收淪雨前芽按例勤擎候不差郊外行來廿餘里
越甌消渴正資茶

枕巒亭

假山亦岵嶇小亭亦虛曠依然皺以雪形色難為狀乍
如玉仙人笠子戴其上馳想到棲霞其峯固無恙

棲霞玉冠

峯南巡時
所命名也

鏡清齋

階下冰光映座明坐來書史足怡情寺卿大寶箴尋繹

如鏡戒惟皎皎清

畫舫齋

船室艤琳池冰光座上披入牕都是畫憑几便吟詩何必布帆掛依然烏影移忽疑笑真舫行止尚需時

古柯庭

一樹不知幾百年一庭恰得十笏廣庭固弗如古柯古忘年之交結俯仰俯仰間已成陳迹向所詠詩題素壁蹶然笑此復何為吹落颯風掃吟席

小玲瓏室

月窓之外黷豚叢幾個虛敲萬籟通
恰喜晴光搖琢雪
天然畫出小玲瓏

仲春齋居

慶節堂堂過齋居肅肅閒動歸靜知
好民與物思艱新
句亦時得陳言恐未刪輕雲落微雪
是日復雪望復切其
間

題張宗蒼畫二首

春鴈耕漁

耕者驅牛漁弄船
四民生計自勤虔
宗蒼畫具治安策
何事未題經許年

秋巖雲瀑

重疊秋山脚
護雲瀑聲猶在耳
中聞每逢空白即酬句
氣韻欣其迴出羣

登延春閣得句

層甍迴出宮城巔
皇州俯視街巷填
百年都會太平世

富而教之何有焉持盈保泰在虛受明目達聰洞開牖
春滿人心物色間豈容高閣自亭帟

靜怡軒

靜怡豈耽寂藉驗道心微精一思垂訓惕乾慎勅幾居
今益謙鞏鑑古得因依坐久消清暇蘭煙引篆馱

碧琳館詠竹

幾個雲牕外仙家自有家風敲鳴鳳管雲燦鏤瓊華寫
色偏宜淡論情好在遐晦翁精理學餐吐也稱嘉

朱子
步虛

詞有餐吐碧
琳華之句

晴

雪未成分寸晴原暖仲春亦知貪已甚無奈惜猶頻日
北低牕影幾閒生靜因豈徒誇麗句翰墨雅相親

絳雪軒

絳雪百年軒五株峙禁園

軒倚御花園東
壁絳雪亦舊額

元霜寶為伴

玉宇額猶存豈必芳華對常看逸韻騫培根真是瑞

凡雪

後必收培各樹
根率成例事

色澤那堪論

詠古玉蘇武牧羊

北海牧羊返他山，攻玉任爾時寫壯貌。此日識忠心，朔漠景如故。冰霜介豈侵，還應笑范蠡。可不慙去聲良金。

題夏圭山水卷

筆勢真看積健雄，寧誇刻楮小精工。水軒一帶虛擯木，祇在輕煙縹渺中。

觀舟來往坐巉巖，風順張帆逆落帆。至理不奇人盡識，一經寫出迥非凡。

春仲躬祭

社稷壇

四之日舉趾伊古重春

祈土盛欣辰應

是日戊戌說文土盛於戌

穡甘著義徵訢閭發陽氣

和朗麗朝暉執玉抒誠敬

連綏願不違

仲春瀛臺

祭罷迴鑾路轉西趨臺仲月曉寒淒池餘冰雪春猶淺

架列詩書古與稽向以問

安過翠蹕茲因進講駐彤閨

向來祭社稷壇禮成皆至瀛臺更衣即詣暢春

園請皇太后安茲以次日經筵因於宮中多駐一日

偷閒偶此尋芳景却是韶

光尚有俟

蘭室

玻璃窓外樹婆娑湖石璫瓏積雪多望澤冬春頻此切
今來蔚眼慶如何

春及軒

最愛陶辭清且妍又將春及治融天那忘有事農夫告
魚詠載陽桑女篇草欲迴青依砌茁瀑全不凍隔牕懸
流觴聯句圖存壁瞬息光陰廿二年

賓竹室

埭下深培雪色滋白瑤田映綠瓊枝此賓猶覺匹夫異
亦可依然與迭為

素尚齋

假山數百年樸齋建其上如在峻嶺間而又無遮望松

竹依舊森桃柳未新放芸牕適小坐淡然愜素尚

千尺雪


飛珠仍自襍冰潺聽雪寒山見一斑恰有積坡相映帶
底須同異辨其間

題宋人松巖仙館圖

山川非俗世樓閣迴凌雲水落琳琅調天歸鸞鶴羣煙
霞一徑遠花藥四時芬松下諸仙坐其言不可聞

珊瑚樹

說林珊瑚樹竟開花河伯宴禹信荒誕南海更以婦人稱
述異之說騁詭辨石崇所擊或類真惟其類真益形舛
三四尺者六七株非是天來非地產邸王籍王振家時
二十餘株入官輦審然此應在世間不可謂同桑海變
叶百歲昇平天府歲盈尺者弗一再見叶此非却珍知
世無石崇王振安從管咄哉千秋紀載家顏腴耳食逞
虛撰



御製詩三集卷六十二

欽定四庫全書

集部

御製詩三集卷六十三
四

詳校官侍郎臣謝墉

助教臣常循覆勘

總校官原任中九臣王燕緒

校對官庶吉士臣張九鐔

謄錄監生臣費元震

欽定四庫全書

御製詩三集卷六十三

古今體一百三十首

丁亥三

仲春經筵

翰典彬彬舉仲春輪番進講列儒紳誠明盡性斯先覺

盛德甄心在日新

進講四書不逆詐一句
經日新之謂盛德

嚴若要偕

經義守同然無取頌聲頻撰良喜勝常年者兆啓文昌

辟值辰

是日適
值辟宿

西直門外作

講罷文華即命驚那更

平聲

西苑重

去聲

盤桓宮城五日侵

尋過言返御園切問

安

廿里石衢路不長春酥土氣潤生香兩行官柳輕風拂
却見梢頭漸染黃

迤邐煙村畫幰開鳴梢底用急忙催西山高處仍餘雪
送有輕寒迎面來

御園泛舟

解凍冰已酥不勝冰床矣五日紮禁中重來御舟俟河
固未全開鑿由人力耳非供凌陰納見因行船起循岸
亦可行詎必泛春水邪許信勞哉戰瘰難免已効勤彼
其常然非吾所喜

陶嘉書屋

聞說人心貴有養匪云欲速曰沖融亦如春氣嘉品物
原在甄陶醞釀中

澄景堂

試言澄景趣祇覺趣偏長
聒耳無絲竹怡情有縹緲
新詩五七體古帖兩三行
更散庭前步天空水一方

得趣書屋

到豈蘭椒陟坐惟芸簡披
孔顏尋樂處陶禹惜陰時
饒寧知倦沉潛無射思
書中有真趣能得信誠誰

題漢玉穀壁

穀壁數弗可屈指偶遇無
題輒題耳稼穡作甘多益善

我意在彼不在此

唐寅蘆汀繫艇即用其韻

淺水蘆汀泊舫艣睡漁髻鬆鬢禿頂遠天月上自不知
付與清波照孤影

夏圭溪山清遠

焦墨踈皴有古風夏家家法撫吟中神情自是清而遠
骨格兼饒秀且雄僧寺幾區心與淨客帆千里目難窮
漫嫌割截失名字慘淡經營孰解同

仲春靜明園

慶節誠無暇仲春始此來山容隔歲閱水態歷冬開

泉暖

故園中水歷冬不凍

沿岸飛蟻螻向陽生蘚苔靈源得氣早韶景

若為催

華滋館

玉泉來必憩華滋研淨窓間又一時地氣已通香土氣
柳枝渾弱拂楊枝昌昌物色如含喜藹藹韶光不負期
苑樹株株培有雪沃心明潤足熙怡

樂景閣

層樓鏡裏祇舟通四面窓櫺映水紅
負帶雲容與山態徘徊秋月更春風
先憂那敢忘無逸後樂惟應綏屢豐
觸景會心紀新詠泠泠行漏片時中

竹鑪山房

水齋山房安篋鑪東坡不藉遠馳符
中涓巧伺渾經慣那待尋常火候乎

亦有松風鳴戶外更延雲巘入窓間
江南清致何差別

一晌馳情到惠山

虛受堂

一室廓如恰受虛四時景概納無餘
顧名各有思義處
咸卦象言良起予

閨風齋題岱嶽圖放歌

我聞閨風層城巍崑崙金堂玉室居
仙人素威司鉅以
為節青瑊捷芝以為軒必遺世而寂慮捐五蓋之紛紜
乃可曳離離之雲旗鳴嚶嚶之玉鸞銀漢亦可弄匏瓜

亦可捫是惟託想像又何有夫玉泉山右之雲軒然其
山則嵌崟巖薛泉則湫澌潺湲有樹龍蔥有鳥管絃則
何不可遊瑤臺之列仙五嶽未遍圖岱宗圖獨存忽然
迴憶我亦登其巔太白高致非吾事孔子小天下我則
天下之大一已佛仔肩是中一民一物不得其所皆吾
愆嗚呼任鉅責重豈不艱哉那更寄興曠達脩空言

翠雲堂詠古栢

兩株高栢植金源庾信休誇古度存不與羣芳共栢苑

經冬依舊綠陰繁

清曉亭

笠亭據崇枿尋常不屢到肩輿偶一臨興趣必臻妙茲
來方仲春春光待昌耀元氣與醞釀雲容與窻窳答陽
獨開豁林闕未鎖竅倚欄暫徘徊信可暢清眺

湛華室

靈源弗凍一泓清鏡影當前映綺楹誰識片時臨湛寂
不華華亦此中生

自玉河泛舟至石舫

景氣仲春漸向融
玉河流水喜舟通
小遊已足抒幽興
適可言旋日未中

片時去亦片時返
好景真如馳驛看
佳處曰何妨久賞
恐因此即怠之端

迤邐攬房與稻塍
耕桑事尚未云興
雪消冰上生新水
却見隄痕幾寸增

畫舫行行石舫臨
便因小坐搦毫吟
孰為靜者孰為動

無去來今可覓心

題文嘉為僧望洲作草堂圖

記得華山道從夷入險巖迎人立怪石藏鳥著叢枝開

士祇宴坐休承能爾為引予飛逸興片刻到天池

見卷後周

光詩

和闐玉雲巘孤僧圖

一笠入山往千竿引迳來色空都淨矣刻畫底為哉自
有鶴隨錫何須海渡杯如將持抵鵲去去與相陪

重摹梅石碑置青蓮朶側而系之詩

有序

乙酉冬曾摹德壽宮梅石碑驛致杭州以存舊跡
因思梅既久枯石又北來則新碑與舊碑不過留
其名於依稀髣髴間耳既又思梅之槁於南者雖
不可復生而石之存於北者固在也因命重摹一
通置之石側青蓮朶者蓋壬申初到時所命名亦
並有詩紀事云

昔年德壽石名曰青蓮朶梅枯石北來惟餘碑尚晏德

壽豈復存久矣燬兵火不禁興廢感碑亦漫漶頗因之
為撫蹟驛致江之左新碑鄰舊碑那見梅石我重摹置
石側為結無緣果誰云假冰玉猶是真業我如因憶中
郎武賁何不可

隨安室四詠

有序

隨安室青宮時書屋名也蓋所遇而安昔時藉以
淑已而已今則四海之廣兆民之衆無不欲其隨
時隨地而安抑亦難矣故凡宮禁園庭仍以是名

之觸目警心亦識其安之艱致云爾

安土

處處隨安室都因安土成築基期永固肯構乃恢宏愛
物易辭繫樂天禮義精重去聲居堪繫矩藉亦驗民情

安窓

安窓向朱鳥作牖亦青龍春意階前草夏陰簷際松月
光淡秋宇雪色積冬峯攬景固無盡闢明訓獨宗

安琴

攫醪雖弗解琴牀綴景安短長量去聲桐展安帖倚蘭看

騶忌言堪繹泉明趣可觀禮經著操縵古道復應難古之

人於六藝皆所學今則執一且不能相去何甚遠哉

安仁

固是隨所遇心安實在仁昔惟胞與切

張子曰民吾同胞物吾與也夫

誰不當存此量乎

今更恫癢親履泰還防否綏豐亦有貧於斯

恒惕息順豫覺難臻

王黻松陰草堂

誅茅結屋老松陰靜聽松風謖籟音展讀非關榮時事
欲尋邃古訂知心

春陰

二月初六日

春雪已過

平聲

旬春陰蒼蔚皴為雲為雨聽

去聲

問晦問晴

頻望蜀猶然我希恩那怪人中宵忽開霽懶見玉蟾新

再題青雲片石

詭石居然雲片青松風吹竅韻清泠英英生處如為雨
膚寸何殊岱嶽靈

暖

四序遞循環春融通日間冰消原是水雪盡那藏山蟻
蟻蒸潤出雁鴻候北還東郊逮舉趾農務切心關

仲春香山靜宜園駐蹕作

藹藹輕陰春仲天香山山色喜迎前此番來駐期三日
佳處未探經一年消受惟應詩在壁景光何異峽流泉
林嵐澗道相孤負偷暇尋猶屬偶然

棲雲樓二首

千巖真箇吐英英高巖峯頭低寫楹設使今朝誠雨雪
山樓方謂善循名

結撰山園此宦初每來先必坐憑䟽庭前種樹分明憶
拱把今成合抱餘

來青軒

向遠窓櫺隔歲披含芳毓秀仲春時千巖靜待來青候
軒則先知覺後知

海棠院

香山寺側舊名勝來青妙高及海棠或以迴奇

妙高堂或

曠豁

來青軒

此則幽佳其趣長當庭兩樹非花候靜對較

羸爛漫芳

妙高堂

肩輿幾憩登猶是山之麓仍有最高處那可便止足灑

然數間屋已覺超凡俗妙高誰所名舊誌難尋讀軒軒

引興飛興飛在浮玉

金山有妙高峯東坡因以名臺乙酉春南巡臨駐曾為補書臺牘並

和坡詩

勒石

歡喜園

香園號歡喜歡喜那輕言寂是先憂者難窺大覺門山
情信可樂鳥語亦非喧翻為去聲春陰好意重平聲望雪煩

香巖室

據巖靜室敞雲廊游目徘徊不礙涼葉態花姿都寂靜
此中大是有天香

太虛室

山體則為實山用斯含虛中享著妙義其吉及豚魚書

室一顧名會心足起予點筆即成章聊付壁間書

超然堂

徑自萬林穿書堂迴若懸到來方識趣欲說已忘詮樹
色連青靄峯光生紫煙屈窓一縱目得句亦超然

碧峯館

山館岩堯倚碧峯墨壺琴薦足清供笑予不是高閒者
應付丹邱與赤松

曠覽臺放歌

山已據地高更據山為臺曠覽信無極然此胡為哉一
指或蔽前泰山為之埋七字短章聞杜甫翻手作雲覆
手雨不可悉者惟人情高出青霄亦難覩

靜室

靜室不可快每來必即到沿途數停憩究皆遜此妙迴
薄含萬象寥朗懸高照是宜付山林而豈云廊廟自問
是何為驟然亦失笑

竹鑪精舍

綴景偶教筠鼎施趁閒聊亦小棲遲擎來茗椀定遵例
何必如斯著相去聲為

茶舍窓中景致殊西山積雪有碑模

西山積雪為燕臺八景之一向立碑

於精舍對嶂
窓中即見

前旬忽憶御園望一慳即斯展畫圖

碧雲寺

隔谷祇園古中天聳玉臺不安比邱住盡去極人灰面
目還清淨松篁作侶陪應真叅五百飛渡大江來

寺中五百

羅漢堂命浙中選
匠裝嚴運置於此

洗心亭

溪亭虛俯碧玻璃
來往魚遊荇藻萋
待欲洗心心那洗
已飛遐想到雲棲

試泉悅性山房

辟柏翠籠簷
泉苔綠映簾
幽香得喉潤
淨色與心恬
景繪報春及
吟題逐歲添
陳言將務去
夏夏付鬚拈

晴

過午春雲散
惜哉難置懷
應緣化工巧
欲示夕山佳
幾

縷碧空去千層丹嶂排新蟾逾半壁弄影麗榆街

夕

何日而弗夕夕是山中好暮色落羣峯林影藏窈窕月
色白於水空庭幻為沼其上有松篁落下成荇藻東坡
豈我欺興會正不少

學古堂

書堂題學古學古要通今詎在循粗迹尤應究本心泉
明觀大意士行惜分陰信可消清暇因之精義尋

曉

虛牖生白色高峯騰紫光
春宇濛露氣空庭發土香
且未命肩輿散步於中唐
曉曦漸漸昇不冷而微涼
問政乃稱簡十數閱奏章
寧非餘我閒為之增徊徨

臯塗精舍詠桂

勤政接公卿

處處辦事殷率以勤政名之

餘暇登林嶺喬松翳翠陰

逕曲益致靜清磬落半天
聞聲發寂聲乃知山寺近玉

華

寺名

忽前境精舍寺右側憩坐意為永
盆桂育洞中深

藏候猶冷吳山誰護惜不凋葉自整南北異如是風氣
因堪省

題李世倬臯塗精舍圖

圖寫臯塗著壁懸偶來即景賞雲煙誰知常住舍中者

已閱人間二十年

是圖丁卯所作
逮今二十年矣

綺望亭

依山構亭臺高下天然置東望則憑虛豁如總一致近
頗聚閭閻遠亦帶郊遂生計軍與民何莫非吾事詎曰

適綺觀無不塵淵思

遲雲館漫題

昨日山雲散作晴今朝山色益分明何當所遲

去聲

油然

至大布春膏利早耕

朝陽洞

崿嶂傾崖間仄蹊凡幾轉數息亦既到穹洞巖之半宛
而復中隆隨宜置山殿取撲弗取華好山圍四面憩坐
吟我詩亦以歇人倦山鳥弄春聲可聽不可見

即事

輕輿尋勝有逢迎
逐處拈吟成便行
既以問山適我興
亦無勞步拂人情

天池

天池苻藻綠紳脩
潛躍悠然魚數頭
放眼昆明有鱗族
故應雲表仰朋遊

棲月崖

一年十二月遇閏增其一有月必棲崖對崖則斯室是

乃恒慣經無得亦無失而我来香山歲中曾幾日後未
斯室宿晝遊偶一即然則為此名乃由想像出因思邃
古来豈不富撰述恐如此者多吁嗟果誰實

雨香館

澗葉巖葩未吐芬寧誰見布致疑膺色空直到無空色
薰習由来非習薰摩詰謔謔稱不示示文殊亦詎有云云
適然小坐儻然去祇覺綺言鄰太勤

山陽一曲精廬

精廬一曲在山陽貯水為池開鑑光水是精神山是骨
故知畫趣此間長

琢情之閣

六情本宜靜巧琢亦何為未免境臻幻因而興會奇泉
從冰底響窓在樹頭披自是天然句還憑人寫之

懷風樓

盤旋一柱陟梯階上面樓窓納遠佳君子德風小人草
到斯每亦惕吾懷

對瀑

到處多吟對瀑詩不同境亦各殊時抑予別有會心者
迅水光陰閱若斯

玉乳泉三首

詰迳蒼陰罨獼猿春山藹藹淡生煙行來正欲思清憩
虛榭橫臨玉乳泉

靈源山脚滙為池春水溶溶漾碧漪怪底一塵不到處
近軒草木總含滋

渟泓乳竇湛巖阿寫影到看印碧螺出谷不教流作潦
北方山泉每出谷即滲入沙石不能散注潢潦流而為河如南方也可知含蓄此中多

閱武

健銳練精旅香山聚隊居知方素嘉爾閱武便臨予所
尚赴桓實寧誇聲勢虛展伸佈行雁偏伍列麗魚撫壯

誠欣矣問勞尚憫如藉茲成偉績

前此平定回部時健銳營士卒所至奮勇

先登屢奏攻堅陷陣之捷遂成大功耆定可忘諸

復陰

靄靄復淒淒春雲傷嶺低橫空方澹蕩望遠更茫迷
八伯寧須頌崇朝正所徯何當霈膏雨屬念在興犁

超然堂再題

居若懸居境若仙誰臨此不意超然春陰却以將為雨
望眼偏低在大田

集虛室

山高鄰太虛上有集虛室是虛徧大千集之用何術室
以弗言咎無過曰靜謐不知有所受矧其覺所出蒙莊

尚饒舌乃謂寥天一

題董邦達畫二首

桃溪春靄

灼灼桃花淡淡溪春煙盈谷遠淒迷此中告我有佳句
遂與書之當作題

松磴晴霞

松嵐楓坂銷谿舂映帶齋屏本一家高士屢屨何所望
綠雲邊際染紅霞

移松

山中有松樹歲久或叢生密則礙其長疎又孤其朋乘
間為移植位置期得情既不妨蔥鬱兼以續峻嶒是惟
穉者然尋丈斯不能植樸育賢才信哉詩可興

巖栢

巖栢幾百年翩翹舞翠鳳累累結子多風吹入石縫得
氣生枝葉鬱蔥如伯仲蒼雲嵌石壁幾致無罅空是乃
出天然曾弗勞功用設使人力為郭索不能種

寶相寺落成瞻禮因用辛巳五臺殊像寺韻二首

聖母七旬慶五臺禮舅殊

梵語舅殊利華言丈殊師利

法光欽意慈

寶相印心珠

殊像寺瞻禮時心識相好於行營即摹為小圖既歸又廓成大圖建寶相寺於香山

之南命工依像摹塑今始落成展謁云

出帑非民力鳩工依手圖落成茲

卜吉瞻禮過山衢

東西寧彼此

五臺在京都之西

相好那同殊總祝無疆

壽應符如意珠靈蹤紀竺牒勝刹起黃圖花雨從空落

續紛上景衢

香林室

祇園瞻禮罷別室憩臨初總在香林界況於清暇餘明
聲起般若影落芙蓉竭爾題五字何殊觀六如

含清堂

蒼松千百年白石四五逕詰曲皆得入陰森亦相暎深
處有樸宇既幽復潔淨可以讀詩書可以悅心性招提
在上方小坐鐘聲聽

題鑑空樓

半畝天池嶺表淳三間山樓池上橫春風動籟契幽韻
秋月入影為佳朋無過綴景費爾許笑我十年餘未登
今朝餘暇試登偶一鑑開奩映虛牖佳哉此鑑真無心
物來彼自呈妍醜鑑人於我夫何有

淨涼亭

山中有流水入地即滲漉築石貯為池乃可一泓掬其
上置小亭十笏猶未足涼意披滿身淨光謀兩目風漪
亦穀練溜響亦琴筑雖儉白家篇其意可三復

得一書屋偶會

陰陽動靜互為根
借問誰當是本源
無極繼之曰太極
一手得者總繇言

薰卉

立春遲復北方寒
將近花朝花尚攔
自喜山中芳意釀
笑他薰卉祿供看

山鳥

當春山鳥盡能言
縱有繇聲靜不喧
擬以管絃猶頓置

那須阿濫六么翻

泉上

泉上重来坐悠然一室寬有聲滿清聽無色不澄觀
怡與松篁古奚妨襟袂寒何當此習靜又未覺心安

題張宗蒼畫

泉上山房幽且恬宗蒼神韻撲毫尖笑予據榻曾何謂
此畫方宜此室黏

玉泉山停蹕題涵漪齋

三日香山已暢遊言旋路便靜明留

玉泉山名
靜明園

別峰亦

自堪如畫

玉泉山萬壽山皆
香山所分別脈也

新水居然可泛舟遂到溪

齋那勞步閒披漪牖信澄眸迴看西巘足相傲智樂還
能似此不

練影堂詠瀑

本是香山脚下水惜其滲土不成流引來已自卑百丈
尚覺高高掛屋頭

韜光接竹引流泉

西湖韜光寺山頂有泉寺僧剏竹引
之隨山勢高下曲注雲林以供香積

之用是瀑即用此
法而易以瓢溝

易以瓢溝圖久堅不識本來面目者

祇稱雲瀑果天然

含峭居

衆峭含此居此居復含峭一二二而一如鏡光相照有
欲與無欲觀微及觀妙是皆為絮言達者不禁笑

靜緣書屋

靜明園裏書屋信哉以靜為緣自有山環林抱且無鳥
語花妍騁目亦憑蜃牖會心每展芸編獨是高明光大

尊行時覺恁然

罨畫窓

窓前繪景四時新不較何家筆法皴一帶香山遙展畫
昨來也是畫中人

積書巖

倚巖屋如棲幽勝擅林藪插架富竹素取名擬二酉歲
或一再來枕藉吾何有不如虛室白恒以無言守

玉河泛舟三首

靜明一水達昆明
桂棹乘流畫舫輕
幾曲柳塘偏致遠
薰黃絲挽淡煙橫

溶溶春水凍全消
飲練忽過玉帶橋
數日山居切問

寢那更

平聲

逐景恣逍遙

翦湖片刻到東隄
衛士輕輿候已齊
回首玉泉煙樹渺
祇看塔影蘸玻瓈

花朝

春光劉九十一半
判花朝那見輝芳
信空傳綴綵招拖

挑纔吐蕾楊柳欲柔條却是遲遲好速榮還速消

香片梅

幾缶奇椿香片梅半纔吐萼半全開却憐不脛饒幽韻
帶得江南春信來

照乘珠

昔者齊魏田於郊魏問齊亦有寶否爾時威王實善對
正言告之曰無有梁王誇有徑寸珠照車十二乘前後
威王乃曰與王異有臣四人境分守諸侯皆來不為寇

道不拾遺盜避走是則可以照千里梁王不憚自覺醜
寶人寶物固不同賢愚倍蓰奚待剖徑寸之珠世寶無
況十枚焉騰妄口馬遷好竒每傳訛韓詩別紀齊宣久

唐寅山水

或課栽花或望泉高人各適適應然不知伯虎成圖日
可憶白駒空谷篇

女樂

女樂於古無周末始間

去聲

置不朝孔子行父母邦之義

洪涯託三皇荒誕傳何自漢武乃敕設以待無妻士

叶

戰在鼓其勇斯實不經惠侵尋至唐宗公然有官伎

叶

白蘇猶不免其他奚足議功令久所禁越前誠善制至
於宮禁中歌舞或應備霓裳廣衆觀此更成何事本朝
踵勝朝向亦有其隊康熙不盈千貞觀三千出雍正益
沙汰十祇存三四所司請踵行初未解吾意吾意非沽
名蓋欲究實際且如梨園部自有幾出類拔諸九御列
不可復執藝即其庸衆流豈令終老肆為期既弗長為

業安能詣不如盡去之代之以宦寺内外可通用灑掃
仍不廢逮今卅餘年始終如一致亦弗頌明禁拂人
何必試但讀斯詩者或可動深思

關仝山谿待渡

礫裂已看纁地陳谿山千古自精神蒼然暮色橫川上
尚有擔囊待渡人

曉陰

二月十八日

曉起春雲滃作陰土膏發潤氣深沉亦知舉趾時猶未

望澤誰能有足心

題橫雲堂

適日每作雲雲作隨風散今曉勢尤濃無風旋亦泮情
知候猶早渴歲由來慣理政逮已牌山堂遊伴與空澄
仰太虛遠宇餘幾片安用此橫為惜心付柔翰

石帆室

堆石翩如風帆

去聲

浮三間室亦似虛舟會心此即蓬萊

島何必裹糧更往求

豐樂軒

北村綴景有田園學圃兼將學稼論望矣因之號豐樂
誠然實不易由言

題澄景堂

軒窓得暇便來憑觸目玉壺一片冰有趣圖書千古調
無邊風月四圍勝畧耽靜樂即時惕敢忘憂勤與日增
因識每孤佳景處祇緣心緒未能澄

松雲樓

假山之上峙真松時蔚英英雲態濃青白由來投氣味
便當為雨契從龍

冷然閣

山上則平屋面前亦遠洲御風惟禦寇畫水是營丘淡
處堪澄慮豁如真暢眸緣梯向南降降乃識為樓

竹密山齋

步來全是碧雲叢漠泊中間有路通齋閣坐聞八琅夏
看時枝上動微風

題暢襟樓

湖心軒榭寫蓬瀛

是處在福海中央即蓬島瑤臺為圓明園四十景之一

旁有書

樓俯碧清豈是虛無候仙侶居然經史樂平生遠隄四面柳桃繪春水一泓鳬雁鳴設問暢襟真暢處端惟時雨與時晴

題倪瓚山水

落落疎林遠遠山無波有水帶前灣草亭漫訝虛茵席留與千秋憩者閒

賦得怡情邱壑

無怠廟廊政敢耽邱壑情不妨聊寓意遂與偶題名戶
外山幾疊庭前水一泓靜深概常効澹泊趣時呈地僻
塵應遠春和景亦明神怡契倪莞心曠泯形聲因憶范
文正曾歲滕子京懷哉肥遯者可矣拔茅征

昆明湖泛舟

畫棹泛澄空春光即漸融柳絲低染綠桃蕾遠看紅平
水無多浪徐帆那藉風西南山榭好艤岸陟其巖

睇佳榭

舟中遙指真佳處坐榭迴看湖景佳何去何來何彼此
鏡光影裏契無懷

題暢觀堂

軒榭據崇巒春風披峭寒琴書一時暢山水隔年觀庭
鳥彈和瑟階蕪鋪翠紈物皆樂生意即景願民安

懷新書屋

一俯蜃窓萬景披鏡光近遠漾輕漪稻田雖遲去聲插秧

候意託懷新恒在茲

複岫亭

假山環抱似真山
亭在翠微深
秀間坐便搜吟成
便返笑予那得味斯間

沿湖岸過玉帶橋二首一韻

湖口長橋鎖玉河
常時橋下漾舟過
肩輿偶欲循西岸
綠意迴蘇閱菜坡

往來畫舫每從河
今日初從橋上過
寫影一圍真玉帶

幾曾印老賺東坡

題延賞齋

溪上幾間屋近臨耕織圖可知延賞處不為恣情娛濕
岸生春芷新波下野鳬田桑候雖遠此意每塵吾

裘曰修錄近作靜宜園詩並呈遊碧雲寺長歌因
用其韻率題並令和近作韻

憶昨小駐靜宜園春雲忽斂春日暄近臣知有遊山喜
那識惜望殷巖軒

是日詠晴詩有過午春雲散惜哉難置懷之句尚非迫切待

澤候散悶石磴聊登援曠覽之臺一騁目下視鳥背相
飛翻翼日清曉起問政輪班畢集諸卿垣惟虞伺意稱
事簡那肯適已嫌人喧勅幾已罷聽退食碧雲有寺別
有門挈朋携侶許遊歷嚴禁奚用誰何尊古松卧墻掛
飛瀑活水如畫蜀兩孫淨土春陽已作意並無荆棘惟
蘭蓀俗僧緇黃概弗藉緇者漢僧黃者
番僧非謂羽流鐘魚靜伴山朝
昏一株銀杏十合抱千年以上人曾捫其杈寄生鬱蒼
柏龍蔥葉共扶晴瞰世間奇事無不有奚較那辨淳于

髭洗心亭下，潄泓水到此心洗空。潺湲山房試泉更悅性，摩挲筠鼎光且溫。北壁之下淙乳竇，流陰可會如斯奔。荇藻梳似綠玉帶，一一皆可尋其根。勝迹吾無隱乎爾，詞臣於此能忘言。錄我近作殿長韻，點竄宜無意所存。雜詠五十皆短什，書厨未足酬長恩。乘興輒復賡，臣作樂天中的已示樊。更當全冊爾，遍和東坡例。具懸水村屈指三朝，即啓蹕促成佳話，不可諼。

董邦達灌木迴溪圖

碕岸礧環接渚汀石攢鑿鑿水泠泠流雲解與為疎密
越致叢林無定形

御製詩三集卷六十三